




1626_065.jpg



1626_753.jpg



1626_066.jpg




66 M. DC. XXVI.
Galeres d'Espagne de rebrousser chemin, & s'en retourner en Espagne, d'autant qu'estant les Galeres d'Espagne desjà fatiguées du long chemin, elles peuuent estre facilement combatuës par vn moindre nombre des vostres qui sortent toutes fresches de vos ports, & sont fauorisees de l'aduantage des retraictes, & du choix des lieux, & du temps du combat.

Fortification nouvelle des Isles d'Yeres.
Ce que vous pouuez faire plus facilement aujourd'huy, puis que par la fortification des Isles d'Yeres vous leur auez osté la retraicte qu'elles peuuent prendre, pour attendre le temps fauorable à leur passage: de façon que la crainte qu'ils auront d'vn nombre considerable de vos Galeres, fera qu'ils n'oseront approcher de vos mers qu'en corps d'armée de cinquante ou soixante Galeres: Ce qui n'est pas chose aysee, ny qui se puisse faire que fort rarement, & à si grands frais, que la despence en excéderoit de beaucoup le profit.

Moins aussi pourroient-ils faire aucun débarquement, pour rauager & entreprendre sur vos pays du Languedoc & de Prouence, sçachans que vous auez des Galeres en estat d'aller à eux, & les surprendre lors qu'une partie de leurs gens auront prins terre: & quand vos Galeres ne le pourroient, & que vos ennemis voudroient s'attacher à quelque entreprise, outre le secours qu'elles pourroient facilement transferer de lieu à autre, elles empescheroient facilement leur progrez par des diuersions & entreprises qu'elles feroient en leurs Estats, les contraignant de songer plustost d'aller esteindre

1626_754.jpg



1626_067.jpg

Le Mercure François. 67

dre le feu chez eux, que de l'allumer chez autrui. Car toutes les Galeres d'Espagne ne peuvent estre toutes ensemble en vn endroit dans ceste mer Mediterranée, qu'elles n'abandonnent les gardes, tant du destroit que de tous les autres lieux qui aboutissent à la mer: & si elles sont deux esquadres, elles seront tousiours plus foibles que les vostres. Quant aux Geneuois & autres Potentats d'Italie, la seule subsistance de vos Galeres, consumera tous les moyens, les obligeant de se tenir tousiours armez pour se couvrir d'une inuasion; & par consequent le secours des deniers qu'ils baillent si souuent & si puissamment au Roy d'Espagne, pourra estre facilement affoibly, voire du tout aneanty.


Pour l'vtilité, outre que le plus grand & le plus assurez thresor, & la plus honorable espargne que les grands Princes comme vous puissent faire, consiste en la gloire & en la reputation, il est tres-certain, Sire, que le commerce de mer estant remis en son ancienne liberté par le moyen de ces Galeres, tous vos sujets n'en peuuent ressentir que de grands & indubitables profits, & vos fetmes de notables augmentations.

Là où par ces frequentes pirateries, vostre Royaume reçoit de tres grandes diminutions & deschers, soit de l'or, marchādises, vaisseaux, equipages, munitions, & hommes que ces Corsaires luy rauissent, soit encores de l'argent qu'ils en retirent pour le rachapt des esclaves: Et tout cela puis apres estant conuert


E ij

Le Commerce de mer ne peut estre remis en son ancienne liberté que par le moyen des Galeres entretenues.

1626_755.jpg



1626_068.jpg

68 *M. DC. XXVI.*


du ministere & du service des forçats pour leurs Galeres, mais aussi de l'industrie des Mariniers & Pilotes pour la conduite de leurs vaisseaux, vne grande partie de vos subjets est reduite à ceste deplorable extremité & necessité de contribuer par leur travail à la continuation de ces brigandages contre leurs propres freres & concitoyens.

*Fortifications
nouvelles
d'Antibe &
de Thoulon.*

Aussi est-il vray que les François y sont plus interessés qu'aucune autre nation Chrestienne. Car les Espagnols & les Italiens, hormis les Venitiens, ne font pas grand negoci; Les Flamans ne portent que des moulins, & trouuent plus de profit au voyage des Indes: Mais vostre Royaume est si fertile & si abondant en hommes de toutes sortes de professions & de commoditez, qu'il en remplit toutes les parties du monde. Vous en tirerez encores vn grand service pour l'acheuement des fortifications commencées par le feu Roy en vos villes d'Antibe & de Thoulon: Et pour l'enrichissement de vos villes frontieres maritimes, qui recevront de grandes commoditez par le sejour d'une escadre de vos Galeres.

*La France
flanquée de
deux mers ne
se peut main-
tenir que par
des forces
maritimes.*

La necessité vous y porte. Car encores que vous n'ayez point de guerre ouverte avec aucun Prince, ny aussi aucun membre detaché de vostre Royaume, qui doive estre secouru & conforté par le moyen de vos Galeres, comme l'Espagnol, si est-ce qu'il est tres-vray que vostre Royaume estant flanqué de deux mers, vostre autorité ne se peut dignement



1626_069.jpg

Le Mercure François. 69

maintenir sans vne force maritime, non plus que sans vne force terrestre.

Vous estes obligé de l'auoir toute preste, & avec plus de raison que la terrestre: car en la terre vous ne pouuez estre surpris, veu que vous y pouuez faire & refaire par maniere de dire des armées toutes entieres dans vn iour, & par vostre seule parole. Mais en la mer on ne peut y construire les Galleres avec ceste promptitude. Il y faut beaucoup de temps, dans la longueur duquel il est mal-aisé qu'il n'arriue quelque inconuenient: de façon qu'en vain vostre Estat monstre le front bien muni & bien armé à vos ennemis, si les flancs maritimes sont descouverts, nuds & desarmez, comme ils sont; estans destituez de forces semblables à celles par lesquelles ils peuuent estre assaillis.

Quant à la facilité de mettre sus ceste force, Elle peut con-
il n'y a point de Prince en toute la Chrestienté, struire des
voire au monde, qui le puisse mieux faire que Galleres &
vous, soit pour la commodité des ports & des les munir
logements, soit pour l'abondance des matieres sans rien em-
propres à la fabrique de ces vaisseaux, ou pour prunter des
la multitude d'hommes propres & adroits, tant estrangers.
à la nauigation qu'aux combats de mer: de sorte que pour faire des Galleres & les esquip-
per vous n'avez besoin de rien emprunter des estrangers.

Les victoires que vous y acquerrez seront véritablement Chrestiennes, veu qu'en icelles il n'y aura que le sang infidelle qui soit respendu. Il est vray, Sire, que tous ces grands aduan-

E iij

1626_757.jpg




Image issue du site mercurefrancois.ehess.fr - Cliché (c) Cécile Soudan